


# TAKAFULINK DANA SUKUK

HELAIAN FAKTA DANA UTAMA 2023



## TAKAFUL & KAMI

Takaful secara harfiah bermaksud tanggungjawab, keterjaminan, jaminan kolektif dan usahasama. Secara umum, takaful adalah berdasarkan aturan kerjasama (Ta'awun) berdasarkan prinsip-prinsip kesepakatan dan solidariti, merangkumi unsur-unsur perlindungan dan kepentingan bersama. Takaful ditakrifkan di bawah Seksyen 2 Akta Perkhidmatan Kewangan Islam 2013, iaitu perkiraan berdasarkan pertolongan secara kolektif yang di bawahnya peserta takaful bersetuju menyumbang kepada suatu kumpulan wang yang sama bagi menyediakan manfaat kewangan bersama untuk dibayar kepada peserta takaful itu atau kepada benefisiarinya pada masa berlaku sesuatu kejadian yang telah dipersetujui terdahulu.

Bergantung pada model takaful yang diluluskan, caruman peserta akan disalurkan ke dana berasingan untuk pelaburan. Dana-dana\* kami hanya dilaburkan di dalam pelaburan patuh Syariah, dalam dan luar negara. Setiap pelaburan dibuat selepas mengambil kira risiko dan pulangan yang terlibat.

Di Prudential BSN Takaful Berhad (PruBSN), kami mendukung nilai-nilai ini melalui amalan profesional bagi menyediakan segala keperluan peserta. Nilai-nilai ini amat jelas dalam setiap transaksi sekaligus menjadikan kami sebagai pilihan berhemat.

Melalui rangkaian agensi dan rakan niaga, kami menyediakan pelbagai produk inovatif yang melindungi setiap aspek kehidupan anda. Daripada perlindungan ke simpanan dan keperluan kerohanian, setiap produk kami dicipta untuk memberikan ketenangan minda anda.

\* Dana-dana Takafulink adalah instrumen pelaburan patuh Syariah.

## TAKAFULINK DANA SUKUK

Ciri-ciri Dana	
Objektif Pelaburan	Takafulink Dana Sukuk (Dana) bertujuan untuk menyediakan pengumpulan modal jangka sederhana ke panjang melalui pelaburan dalam sukuk dan instrumen pasaran wang Islam yang terpilih.
Strategi & Pendekatan Pelaburan	<p>Dana bertujuan untuk mencapai objektifnya dengan melabur dalam portfolio sukuk dan pasaran wang Islam.</p> <p>Pengurus Dana percaya bahawa cara pelaburan yang dipandu oleh penilaian dan disiplin boleh menjanakan pulangan yang unggul dalam jangka masa panjang. Tujuan mereka adalah untuk menggunakan peluang kedua-dua peruntukan aset dan tahap pemilihan sekuriti melalui penyelidikan dalaman dan pengurusan portfolio yang aktif, dengan memfokuskan pada pulangan maksimum pada paras risiko yang boleh diterima.</p> <p>Pengurus Dana mensasarkan tahap konsistensi yang tinggi dalam jangka masa panjang untuk semua dana, di samping berpegang teguh kepada garis panduan yang tegas dan profesional.</p>
Peruntukan Aset	<ul style="list-style-type: none"><li>Sehingga 100% Nilai Aset Bersih (NAV) Dana dalam sukuk; dan</li><li>Baki NAV Dana yang tidak dilaburkan dalam sukuk akan dilaburkan dalam instrumen pasaran wang Islam.</li></ul>
Tanda Aras Prestasi	Kadar Deposit Tetap-i Islam MBB 12-bulan  <i>Maklumat lanjut mengenai Kadar Deposit Tetap-i Islam MBB 12-bulan boleh didapati daripada laman web Maybank2u, <a href="https://www.maybank2u.com.my/">https://www.maybank2u.com.my/</a>.</i>
Pengurus Dana	Principal Islamic Asset Management Sdn Bhd (199101007531 (217841-M))  <i>Nota: Principal Islamic Asset Management Sdn Bhd (No Pendaftaran: 199101007531 (217841-M)) telah dilantik sebagai Pengurus Dana Takafulink Dana Sukuk berkuatkuasa mulai 1 Disember 2022.</i>

Yuran & Caj	
Caj Wakalah Pengurusan Aset	0.50% setahun
Caj-caj Lain	Termasuk: <ul style="list-style-type: none"><li>Yuran audit</li><li>Caj lain yang dibenarkan</li></ul>

## TAKAFULINK DANA SUKUK

Prestasi Dana		
Tahun	Prestasi Sebenar	Tanda Aras <sup>^^</sup>
2023	6.22%	2.85%
2022	0.95%	2.24%
2021	(0.87%)	1.85%
2020	5.59%	2.21%
2019	7.18%	3.18%
2018	4.44%	3.34%
2017	4.46%	3.12%
2016	4.87%	3.30%
2015	3.53%	3.09%
2014	3.70%	2.89%

<sup>^^</sup> 2014 – 2015: Kadar Deposit Islam MBB 1-bulan Peringkat-1. 2016 – 2023: Kadar Deposit Tetap-i Islam MBB 12-bulan.

Asas pengiraan prestasi sebelumnya:

$$= \frac{\text{NAV}^* \text{ untuk tahun } n}{\text{NAV}^* \text{ untuk tahun } n-1} \% - 100\%$$

\* NAV di sini merujuk pada Nilai Aset Bersih Dana.

**Nota Penting:** Prestasi lampau Dana bukan satu petunjuk untuk prestasi masa hadapan. Ini adalah prestasi untuk dana pelaburan semata-mata, bukan pulangan yang diperolehi daripada sumbangan sebenar yang dibayar untuk produk takaful berkaitan pelaburan.

### Harga Hadapan

Unit diwujudkan dan dibatalkan pada tarikh penentuan harga berikutnya selepas penerimaan sumbangan atau pemberitahuan tuntutan.

### Faktor Risiko & Strategi Pengurusan Risiko

Sila rujuk Lampiran 1 untuk Faktor Risiko dan Strategi Pengurusan Risiko yang terperinci.

## TAKAFULINK DANA SUKUK

Maklumat Lain	
Pasaran Sasaran	<p>Peserta yang mempunyai toleransi risiko yang rendah hingga sederhana dan jangka masa pelaburan yang sederhana hingga panjang.</p>
Asas & Kekerapan Penilaian Unit	<ul style="list-style-type: none"><li>• Penentuan harga unit dilakukan setiap hari.</li><li>• Harga unit dikira berdasarkan pada nilai pasaran aset-aset sandaran Dana, perbelanjaan bersih dan dibahagikan mengikut bilangan unit yang dikeluarkan.</li><li>• Nilai Dana ialah nilai semua aset dana Takafulink tertentu selepas ditolak perbelanjaan untuk mengurus, memperoleh, menyelenggara dan menilai aset dana tersebut, cukai (jika ada) atau levi berkanun lain yang ditanggung oleh Syarikat ke atas pendapatan pelaburan atau keuntungan modal ke atas aset Dana dan sebarang pendapatan teraku atau jangkaan.</li><li>• Dana tidak membayar sebarang dividen. Semua pendapatan dan keuntungan modal secara automatik dilabur semula dalam harga unitnya.</li><li>• Harga unit ialah harga tunggal di mana unit diwujudkan dan dibatalkan.</li><li>• Tarikh penilaian ialah tarikh seperti yang ditentukan oleh PruBSN dari semasa ke semasa, tetapi tidak kurang kerap daripada sekali sehari, untuk tujuan menentukan harga unit.</li></ul>
Keadaan Pengecualian	<p>PruBSN boleh menggantung harga unit dan menangguhkan pengeluaran atau penebusan unit, mahupun beralih kepada mana-mana dana, di bawah Dana ini untuk tempoh yang munasabah, misalnya intervensi yang mengakibatkan penutupan sementara mana-mana bursa saham atau penggantungan saham tertentu di mana Dana dilaburkan. Dalam keadaan sedemikian, notis untuk penggantungan mungkin dikeluarkan dan mungkin dimaklumkan kepada Peserta bagi permintaan untuk penambahan, pertukaran, penebusan atau pengeluaran kepada/dari mana-mana dana Takafulink tersebut.</p> <p><i>Senarai keadaan pengecualian di atas adalah tidak lengkap, sila rujuk dokumen sijil anda untuk butiran lanjut.</i></p>

**Penafian:**

Helaian fakta dana utama ini disediakan oleh Prudential BSN Takaful Berhad (“PruBSN”) untuk maklumat am dan tujuan ilustrasi sahaja dan tidak sepatutnya dijadikan asas untuk membuat keputusan pelaburan, kewangan atau keputusan-keputusan lain. Walaupun bahan-bahan yang digunakan dalam penyediaan profil dana ini diperolehi daripada sumber-sumber yang boleh dipercayai, PruBSN tidak menjamin ketepatan dan kesempurnaan maklumat. Sebarang analisis dan pendapat yang dinyatakan adalah tertakluk kepada perubahan tanpa notis. Prestasi masa lalu tidak menjamin keputusan masa hadapan. Para pembaca dinasihatkan untuk menghubungi PruBSN atau ejen-ejennya untuk butiran lanjut dan penjelasan maklumat yang berkaitan dengan produk yang ditawarkan oleh kami. PruBSN dan mana-mana syarikatnya yang berkaitan menafikan sebarang liabiliti walau apa pun sifatnya, sekiranya para pembaca mengalami kerugian apabila mereka hanya bergantung kepada kandungan maklumat di dalam profil dana ini.

# TAKAFUL

Untuk Semua. Untuk Kehidupan

Prudential BSN Takaful Berhad merupakan Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

**Prudential BSN Takaful Berhad** 200601020898 (740651-H)  
Tingkat 13, Menara Prudential, Persiaran TRX Barat, 55188 Tun Razak Exchange, Kuala Lumpur.

Talian Khidmat Pelanggan: +603 2775 7188  
E-mel: customer@prubsn.com.my

[www.prubsn.com.my](http://www.prubsn.com.my)



*Semua maklumat dianggap sah pada tarikh penerbitan.  
Terbitan Mac 2024.*